

師和光混俗將覓真鉛八兩真汞半劬同入造化爐中煅煉轉
制分接九還已周借此貨財以了大事由是起葢丹房一身端
坐虛心養氣虛氣養神氣慧神清廣覓藥材時飲蟠桃酒朝餐
玉池液如醉如癡補氣補血但得汞有半劬可待他鉛八兩月
數將圓金花自現十手捉虎擒龍探得先天一氣徐行火候抽
添自合周天度數知復姤進火退符識卯酉防危慮險十月功
完聖胎顯象九年面壁與道合真所謂跨鶴青霄如大路任教
滄海變桑田也吾之出處大概如此請與子鼓枹而歌以盡今
宵之樂

四皓考

道藏輯要

三丰全集

古文

十

續畢集七
×一×

商山四皓皆避秦亂者一曰東園公姓唐名秉字宣明襄邑人
高潔自守遯於邱園故以爲號焉一曰夏黃公姓崔名廓或作廣
字少通僻居夏里修道故自號爲夏黃公一曰角里先生吳人
也泰伯之後姓周名術字元道逍遙自適嘗隱河內更號灞上
先生此皆陳留志所記者獨綺里季不傳焉既閱皇甫謐高士
傳乃知綺里翁者姓朱名暉字文季種芝養命泉石棲真四皓
之清風乃如是哉

八遯序

三丰先生因朝廷屢詔而假遯以深藏乃浩然曰遯之爲用妙
矣哉天子不得臣諸侯不得友不謁君公不逢權貴不以長生

之術分人主勵精圖治之心自求自用自得自娛望之若白雲
之在天而舒卷無定也卽之如明月之印水而動蕩難收也或
隱廬市或居山林或雜傭伍之中而人不識大明以來太祖詔
之而不得成祖求之而不能是異人歟是高人歟是有得而成
飛仙者歟生平所師慕者八人嘗寫爲軸而拜之漢則嚴光法
眞晉則陶潛戴逵唐則盧鴻軒轅集宋則陳希夷林和靖遜之
上九曰肥遯无不利其此八公之謂乎嚴子林却光武曰唐堯
著德巢父洗耳士固有志毋相迫也順帝徵法高卿不至郭正
曰名可得聞身難得見逃名而名隨避名而名追可爲百世之
師矣安道辭召辟而逃身入吳淵明性恬淡而棄官歸野元宗
道藏輯要
聘盧浩然欲靡以爵不受終隱嵩山宣宗迎軒轅集於羅浮而
問仙道軒轅曰王者屏慾崇德自然安享遐福何必更求長生
宋太宗謂諸臣曰華山陳搏獨善其身不干勢利可謂方外士
矣宋琪等問修真之道先生曰山野之人於時無用君等協心
同德興化致治勤行修煉無出於此林逋結廬孤山終身不出
賜號和靖此八公者史鑑嘉之綱目予之非同捷徑終南移文
山北者得遜之義哉今夫能爲高隱卽是高眞方士羽流紛紛
躁進自炫金丹 誑惑人主究之暫時之迷難逃天鑒之速漢武
帝好神仙而李 少君入矣乃少翁術盡而首梟藥大方盡而腰
斬唐憲宗好神 仙而皇甫鐔得志矣乃未幾而宗李皆戮又未

幾而柳泌伏誅 彼林靈素魏漢津論黃誇白出入禁庭其於宋
徽宗時亦奚有 終身哉甚矣小人好進而中主多愚矣善夫李
藩之言曰道盛 德充人安國理何憂無堯舜之壽耶善夫張臯
謂穆宗曰神慮 淡則血氣和嗜慾甚則疾疹作藥以攻疾無疾
不可餌也善夫 王昭素謂宋太祖曰治世莫若愛民養心莫若
寡慾善夫裴燐 諫憲宗疏畧曰方士難信也世有真仙彼必深
潛崖壑惟畏人 知凡伺候權門自炫奇伎者皆不軌徇利之人
也三丰先生是 真隱亦是真遜其立身願效嚴法戴盧陶潛林
逋其規箴願師 軒轅希夷而兼師其高尚但願求我者轉而忘
我詔我者轉而 遺我則我與八遜後先爭高而爲聖朝之大遜
道藏輯要

三丰全集 古文

三

續畢集七
大上州

也

自題勅封通微顯化真人誥命後跋

從古稱真人者 必須外達真氣內涵真心入有真操出有真守
實之而得夫真 道棄世而不戀世避人而不見人不爲勢利所
羈勒不以黃白 欺世主豈若方術之士謬邀錫命而不自忤乎
由漢迄宋其間 明元機者如吾尊崇之八遜清風峻節或逃名
或卻聘或功成 勇退或世衰遜藏其懷真不露奚常以長生藥
銜朝廷哉余幼 耽元理晚得真詮狂放自如實厭流俗竊以真
人真君錫自上 帝者爲寶人間敕封何足貴哉夫惟天順皇帝
亦明亦決廟諱 英宗賜我誥命乃受承之至若成化嘉靖之間